

B. N. C.  
FIRENZE

1023

14



VII  
III  
67c



1023 14





HEK

WILLIAM B. B. B.

7



A1

A. 1879

\*\*\*

# JESUS PATIENS,

*VIRGILIANI CARMINIS**Flore  
conversitus*

D.

prodit

in Electorali Dresda

et

*Museo**IO. FRIDERICI HEKELII.*

---

*BAUMANNIANIS LITTERIS, A. M. DC. LXXIX.*

ILLUSTRI VIRO,

DN. ANTONIO MAGLIABESCHIO,

POLYHISTORI CONSUMMATISSIMO,

UT ET SERENISSIMI MAGNI HE-

LLENBURG DUCIS BIBLIOTHE-

CARIO LAUDATISSIMO,

XENINO, PATRONO AC FAVORI SUO  
OPTIMO,

P. D. E. O. P.

APPR



*VIRO*

*MAGNIFICO, NOBILISSIMO ATQVE EXCEL-  
LENTISSIMO,*

**DN. ANTONIO  
MAGLIABECHIO,**

*Polyhistori illustri ac SERENISSIMI  
MAGNI HETRURIAE DUCIS Bibliothecario in-  
credibiliter merito, &c.*

*MUSARUM AUGUSTIORUM CHARITUM,  
QVE MODESTIORUM PORTIONI  
HAUD IGNOBILI,*

*DOMINO ET PATRONO MEO VENERANDO.*

*Hoc, quicquid est;*

*cum  
Omnigenae felicitatis appreciatione*

*D. D. & C.*

**A U T O R.**





Ata DEUMqve cano, superis qvi missus ab oris  
*Judaeam* sanctam promptus *Solymae*qve venit  
 Littore multum ille & terris jaectatus & alto,  
 FACTUS HOMO, immanem *Patris omnipotentis* ob  
 iram

5. Passus acerba solo, dum clausa repagula coeli  
 Panderet, obstrictiq; viam referaret *Olympi*,  
 Inferretq; homines coelo post fata suprema.  
*Musa* mihi causas memora, qvò Numine laeso,  
 Quidve dolens Rex coelituum, tot volvere casus
10. Unigenam, qvò non superabat charior alter,  
 Impulerit, tantaene aeterni Numinis irae?  
 Urbs antiqua fuit, *Solymi* tenuere coloni:  
 Dives opum, belli studiisq; asperrima, quam Rex  
 Coelicolum fertur terris magis omnibus omnem,
15. Posthabitis reliqvis, coluisse: heic regia sceptrum  
 Illius, & laqueata, aurataq; templa fuerunt.  
 Huc Pater omnipotens, rerum cui summa potestas,  
 Unigenam, postquam humanos assumerat artus,  
 Misit, ut aetherii coelestia dogmata verbi
20. Spargeret, atq; homines monitis impleret amicis,  
 Et, quae sint facienda, & quae fugienda, doceret.  
 Vix autem coelo *Gnatus* descenderat alto  
 Cum *Dis*, aeternum servans sub pectore vulnus,  
 (Progeniem sed enim divinò à sanguine duci
25. Audierat, *Stygias* olim quae verteret arces)  
 Haec secum: Mèpe incepto desistere victum?  
 Nec posse aetherium terris avertere Regem?  
 Qvippe vetor fati. Serpensné Parentibus olim  
 Occultum inspirare ignem, fallaxq; venenum

30. Primaevus potuit pomi fatalis ob esum?  
 Ipse equidem fandi mollissima tempora tentans,  
 Decepit miseros, *Stygio* inersitq; fluento.  
 Dum stabam regno incolumis, regnumq; vigeat  
 Consiliis, & nos aliquod nomenqve, decusq;  
 35. Gessimus: invidia postquam hic Patris altitonantis  
 (Haud ignota loquor) superis caput extulit arvis,  
 Atque metus omneis, & inexorabile fatum  
 Subjecit pedibus, strepitumq; *Acherontis* avari:  
 Afflictus vitam in tenebris, luctuq; trahebam,  
 40. Et casum insontis turbae indignabar acerbum.  
 Nec cavi demens: & me, fors si quâ tulisset,  
 Si superas forsân remearem victor ad arces,  
 Promisi ultorem, & verbis odia aspera movi:  
 Nunc ergo tentanda via est, quâ me quoq; possim  
 45. Tollere humo, victorq; virum volitare per ora.  
 Haec ubi dicta dedit, vocat agmina saeva sororum,  
 Nec non luctificam *Alceto*, cui tristia bella,  
 Iraeq; insidiae; & noxia crimina cordi:  
 Quam *Dis* his acuit verbis ac talia fatur:  
 50. Hunc mihi da proprium, Virgo fata Nocte, laborem:  
 Hanc operam, ne noster honos, infractave cedat  
 Fama loco, neu fictitius Deus ille venenô  
 Pectora (Dii talem terris avertite pestem)  
 Inficere evaleat mortalia serpentinô.  
 55. Tupotes unanimeis armare in praelia fratres  
 Atque odiis versare domos: tibi nomina mille,  
 Mille nocendi artes: foecundum concute pectus,  
 Disjice compositam pacem, sere semina belli,  
 Ut grex *Isacidarum* ira irritatus inani  
 60. Iudicio damnet vatem, nil tale merentem.  
 Dixit: at illa leveis coeli demissa per auras

- Insonuit, nigrò circumdata turbine corpus,  
 Atq; levis Solymâ tandem super astitit urbe.  
 Protinus & torvam faciem, & furialia membra.
65. Exuit: in vultûs sese transformat avitos,  
 Et frontem obscoenam rugis arat: induit albos  
 Cum vittâ crines, visu mirabile monstrum,  
 Atque petit *Judam*, domini quem gloria chari  
 Obliquâ invidiâ, stimulisq; agitabat amaris,
70. Protinus atq; facem juveni conjecit, & atrò  
 Lumine fumantes fixit sub pectore taedas.  
 Tum verò ancipiti mentem formidine pressus  
 Obstupuit, steteruntq; comae & vox faucibus haesit,  
 Arma amens fremit, arma toro, testisq; requirit.
77. Nec mora, nec requies: procures adit ocyûs, atq;  
 Multa malus simulans, dictis ita fatur amicis  
 Perjurus: Scio, vos *Galilaei* facta furentis,  
 (Qvi se patre DEo canit ortum, & legibus urbes  
 Fundare, atq; audet sacrata resolvere jura)
80. Formidare patres. Ergò hanc extingvite flammam,  
 Ne mox subsiliat victrix ad tecta domorum,  
 Degustetq; trabes, perq; ardua culmina regnet.  
 Si mihi, quae posco, jam praemia solvere vultis,  
 Qvicquid in arte meâ possum promittere curae,
85. Qvod fieri ferro, liqidove potest electro:  
 Quantum ignes, animaeq; valent: absistite quae so  
 Viribus indubitare meis. Nec plura locutus  
 Argenti accepit laetuster dena talenta.  
 At non infelix animi Heros ipse, nec unquam
90. Solvitur in somnos, oculisvè, aut pectore noctem  
 Accipit, & magnò curarum fluctuat aestu.  
 Sic adeò insistit, secumq; ita corde volutat:  
 En qvid agam? auxillionè vocem patrem altitronantem?

- Collis oliviferi petam juga celsa, precerq;
95. Mitiget ut poenam patriâ bonitate, parentem?  
Tantos ille suô rumpebat pectore quæstus,  
Multa gemens, largôq; humectat flumine vultum.  
Inde datum molitur iter, quæ semita monstrat:  
Jamq; ascendebat collem, qui plurimus orbi
100. Imminet, æternumq; tenet per secula nomen.  
Collis oliviferi. Hûc ubi ventum, regius heros  
Constitit ante patrem, supplex per vota precatus:  
Omnipotens genitor, tanton', me crimine dignum  
Expediam, & paucis (animos adhibete) docebo.
105. Nos etenim tuamiserunt ad limina primæ  
Gentis, ut autorem scelerum hunc, & carcere dignum  
Tradamus tibi, quò ligno figatur, & aspras  
Sanguine dat poenas, pro crimine perpetrato.  
Talia præstabat memorans, fixusq; manebat
110. Ac vinctum immotis Præses spectabat JESUM  
Luminibus, vultum admirans, cupidoq; notabat  
Altum animo genus, & præstantem frontis honorem,  
Et graviter juvenili ex ore cadentia verba,  
Maturumq; animum ante annos & talia fatur:
115. Fare agè, quid venias, jam isthinc & comprime gressum  
Quis genus? unde domo? quæ Te *Fortuna* fatigat?  
Ille nihil, nec cum, quærentem vana, moratur:  
Sed graviter, gemitus imò de pectore ducens:  
Optame *Romulidum*, haud (ait) hûc ego criminis ergo
120. Protrahor: at potius tuus ô Pater alme, quid optes,  
Explorare labor: mihi iussa capeffere fas est.  
Sed quid ego hæc autem nequicquam ingrata revolvo?  
Quidve moror? Si vos (nostri si tanta cupido est)  
Me superesse piget, jamdudum sumite poenas:
125. Hoc *Caiphas* velit, & magno mercentur *Apellæ*.

- His medium dictis sermonem abruptit : at illi  
Circumstant fremitu densò, stipantq; frequentes.  
Hac vice sermonum roseis aurora quadrigis  
Jam medium aetheriò cursu trajecerat axem,  
130. Et fors omne datum traherent per talia tempus,  
Ni fatus ille DEO, curisq; ingentibus aeger  
Fide satis perdigna dedisset verba *Pilato* ,  
Et jam fama volans, tanti praenuncia luctùs,  
*Isacidas* complêrat & oppida *Judaeorum*,  
135. Quae modò Judaeà victorem Heròa ferebat :  
Haec tum multiplices populos sermone replebât  
Gaudens, & pariter facta atq; infecta canebât  
Captum Heròa dolis, & saevò carcere clausum,  
Qvem simul ac Heros crebrescere vidit *Ioseph*  
140. Sermonem, & vulgi variare labentia corda,  
Protinùs ire parat Solymorum ad moenia celsa,  
Ut tantinè malifama, an sit certior autor,  
Explorare qveat, dictisq; avertere curas.  
Ut primum muros obscuraq; limina portae  
145. Ingreditur, nox cùm terras obscura teneret,  
Attulit hunc illi coecis terroribus aura  
Commistum clamorem, arrectusq; impulit aureis  
Confusae sonus urbis & illaetabile murmur.  
Heu mihi, quid tantò miscentur moenia luctu ?  
150. Quisve ruit tantus diversâ clamor ab urbe ?  
Sic ait, & paulùm auditâ contemptus haeret.  
Ecce autem elapsus vates, quem Jova beabat,  
*Joannes* Christi socius, pertela, per hosteis  
Porticibus longis fugit vacua atria circum,  
155. Ne quicquam ancipiti mentem formidine pressus,  
Jamq; pedem referens casus superaverat omneis,  
Ut tandem ante oculos evasit, & ora sodalis

- Josephus* stetit extemplò, & vestigia pressit,  
Multa putans, sortemq; animo miseratus iniquam est.
160. At non agnoscens venientem *Janus* amicum  
Obstupuit, retroq; pedem cum voce repressit,  
Improvissum aspris veluti qui sentibus angvem.  
Pressit humi nitens, trepidusq; repentè refugit  
Nexantem nodis, seq; in sua membra plicantem:
165. Haud secus & vates visu tumefactus abibat,  
Quem senior tali fugientem & voce secutus:  
Siste gradum, teq; aspectui ne subtrahe nostro,  
Chare mihi ante alios: cur dextrae jungere dextram  
Non datur, & notas audire & reddere voces?
170. Quem fugis? aut quis te nostris complexibus arcet?  
Talibus Herois dictis defixa *Joannes*  
Obtutu tenet ora, soloq; immobilis haeret  
Intentos volvens oculos, atq; haec ita fatur:  
Vivo equidem, vitamq; extrema per omnia duco.
175. Nunc etenim pelagi tot tempestatibus actus,  
Heu genitorem, omnis curae casusq; levamen,  
Amisi, quem turba ad poenam ob nostra reposcet  
Effugia, & culpam hanc illius morte piabit.  
Sic memorans largò fletu simulacra rigabat,
180. Nec minus, & senior, casu perculsus iniquò,  
Prosequitur lacrymas longè, & miseratur euntem.  
Nec mora, nec requies: mox gressum ad Praefulis aedes  
Tendit: ei comes est vates, dehinc talia fatur:  
Optume *Romulidum*, quò nec pietate, nec armis
185. Major in orbe fuit: victi obtestamur, & omnes  
Juramus: Nunq; hic gentis temeravit Hebraea,  
Foedera, nec vestros unquam turbavit honores;  
Sed quicquid, tanto armorum flagrante tumultu,  
Tantum impensis operum atq; laboribus actum est.



190. Id rabidus populi, & stimulis incensus iniquis,  
Confectusq; odiis furor attulit: ille negansq;  
Prodidit, & furiis actus, nil tale merentem.  
Ergo per has & nunc lacrymas, dextramq; tuam, te,  
Si bene quid de te merui, fuit aut tibi quicquam
195. Dulce meum, miserere domus labentis, & istam  
Oro, (si quis adhuc precibus locus) exue mentem  
Non erimus regno indecores, nec vestra feretur  
Fama levis tantum abolefcet gratia facti.  
Obtestor (quaecunq; mihi fortuna fidesq; est,  
200. In vestris pono gremiis) mihi solvite Natum:  
Reddite conspectum, nihil illò triste receptò.  
Talibus incensus dictis fortissimus *Heros*  
Tandem pauca refert: Ego te, qui plurima fando  
Enumerare vales, nunquam *Josepho* negabo
205. Promeritum, nec me nati meminisse pigebit,  
Dum memor ipse mei, dum spiritus hos reget artus,  
Pro re pauca loquar. Nec ego hunc (en dextra fidesq;!)  
Excepi incautum sini, vinctumq; teneri,  
Saepeq; compressi rabiem, populiq; furores:
210. Nunc quoq; inens eadem perstat mihi, pelle timores.  
Credo equidem (nec vana fides) genus esse. Deorum  
Degeneres animos timor arguit. Heu! quibus ille  
Jactatus fatis, quae bella exhausta canebat?  
Quem sese ore ferens, quam forti pectore & armis?
215. Talia voce refert, curisq; ingentibus aeger  
Spem cultu simulat, premit altum corde dolorem.  
His dictis curae emotae, pulsusq; parumper  
Corde dolor tristi senis. Ergo substitit anceps,  
(Dum curae ambiguae, dum spes incerta futuri)
220. Senè ultra tegeret quacrenti: an proderet ipsi  
Et genus, & verum blandà sine fraude parentem.

- Tum senior taleis referebat pectore voces :  
 Rem nulli obscuram, nostrae nec vocis egentem  
 Consulis, ô bone Rex, cuncti se scire fatentur,  
 225. Hunc juvenem in terris coeli venisse sub axem :  
 Sed quàm stirps sit huic coelestis, dicere musant.  
 Nam pater est ipsi, torquet qui sidera mundi :  
 Illum autem natum verum (crede) edidit alma  
*Virgo*, congressus nunquam perpessa virileis.  
 230. Haec ait, & regi memorat nomenq; , genusq; ,  
 At saeva è speculis tempus Dea nacta nocendi  
 Arte novâ speculata locum, quò turba Senatûs  
 Consilium summis regni de rebus habebat,  
 Ardua tecta petit, subito & de culmine summo  
 235. Pastorale canit signum, sinuq; recurvò  
 Tartaream intendit vocem, quâ protinus omne  
 Impleri nemus, & colles clamore relinqui  
 Audiit & longè rex coeruleus *Jordanes*,  
 Fluminaq; antiquos subter labentia muros,  
 240. Et trepidae matres pressère ad pectora natos.  
 Tunc verò ad vocem celeres, quâ buccina signum  
 Dira dedit, raptis concurrunt undiq; telis  
 Indomiti *Isacidae*, atq; petunt ducis ardua, vimq;  
 (Proh scelus ! ) infensi poenas cum sanguine possunt,  
 245. Sollicitantq; ducem: sed nullis ille movetur  
 Fletibus, aut voces ulla tractabilis audit.  
 Fata obstant, placidasq; viri DEUS obstruit aureis  
 Verum ubi nulla datur cœcum exuperare potestas  
 Consilium *Isacidum*, tandem conversus ad ipsos  
 250. Surgit, & his onerat dictis, atq; aggerat iras.  
 Ite ait, & positò cuncti hic certamine adeste,  
 Et delecta virum sortiti corpora, ab omni  
 Deligitote unum numerò, qui discere possit,  
 Criminis an reus hicce sit, & quâ morte necetur.



255. Tantum effatus, & in verbò vestigia torfit,  
Jamq; *Sacerdotes* aderant, longisq; fremebant  
Porticibus, variò assensu : ceu flamina prima  
Cum deprensa fremunt silvis, & coeca volutant  
Murmura, venturos nautis prodentia ventos.
260. Tandem prògreditur, magnà stipante catervà,  
*Pontius*: hunc juxta Proceres, Primiq; Sacrorum  
Considunt tectis bipatientibus, incipit ipse :  
Sacrifici vates, quia nam sententia vobis  
Versa retrò tantumq; animis certatis iniquis?
265. Adveniet justum pugnae (ne accersite) tempus,  
Cum, patrià amisà, dominis parère superbis  
Exiliumq; pati, dulcesq; relinquere terras,  
Incerti, quò fata ferunt, ubi sistere detur,  
Cogemur, qui nunc lentì confedimus arvis :
270. Tum certare odiis, tum bella movere licebit.  
Nunc sinite & placidè immeritam dimittite quae so-  
Bellum importunum cives cum gente Deorum,  
Invictisq; viris gerimus, quos nulla fatigant  
Praelia, nimborum tempestatumq; potentes.
275. Dixit : at his *Hannae* exaruit violentia dictis :  
Dat gemitum, rumpitq; has imò pectore voces :  
Heu stirpem invisam & fatis contraria nostris  
Fata viri : horribilinè & saevò carcere dignus  
Haec impunè ferat, quae morte pianda videntur ?
280. Qvis metus, aut quae tanta animis ignavia venit,  
O Proceres? Cur indecores in limine primò  
Succidimus? Cur ante tubam tremor occupat artus?  
Namq; hic (fabor enim, quando haecce referre necesse est)  
Non veritus dià est deducere origine nomen,
285. Esse patrem dicens regem omnipotentis Olympi,  
Praetereà donis opulentum & marmore templum,

- Aerea cui gradibus surgebant limina, nexaeq;  
Aere trabes foribus cardo stridebat ahenis,  
Sese dejecturum, ait, excidioq; daturum,  
190. Aedificaturumq; aliud, ubi tertius ortus  
Extulerit Titan, radiisq; retexerit orbem.  
Hinc est prima mali labes: hinc improbus ille  
Criminibus terrere novis: hinc spargere voces  
In vulgum ambiguas, & quaerere conscius arma  
195. Quippe etiam festis quaedam exercere diebus,  
Fas & jura simunt, inimicò pectore fatur.  
Dixerat haec *Hannas*: ille os, oculosq; liquenteis  
Jamdudum, & totum lustrabat lumine corpus:  
Et super haec: causas nequicquam nectis inaneis,  
200. Nec mea jam mutata loco sententia cedit.  
Namq; (fatebor enim) ut vidi nil tale merentem,  
Et vitam, & genus omne, & crimina perquisivi;  
Solutus hic inflexit sensus, animumq; labantem  
Impulit, & dignum nihil est quoq; morte repertum.  
205. Quare agite, o *Proceres*, odiis desvescite iniquis,  
Nec pugnate, DEUM Vestrum ignorare volentes.  
Vix ea fatus erat, variusq; per ora cucurrit  
*Ausonidum* turbata fremor: ceu saxa morantur,  
Cum rapidos omnes clausò sit gurgite murmur,  
210. Vicinae fremunt ripae, crepitantibus undis,  
Ut primùm cessit furor: & rabida ora quierunt,  
Praefatus *Divos*, soliò rex insit ab altò:  
Dicite quandoquidem (quando huc venistis amici)  
Annua jam redeunt sacra, cum dimittere sveci  
215. Carcere captivorum unum. *Barabamne*, vel huncce  
Poscitis, exactis impunè emittere vinclis?  
Tantum effatus, & in verbò vestigia torsit.  
Tum verò attoniti monstros actiq; furore  
Conclamant: dede hunc neci *Barabamq;* remitte.

Du-

320. Duxisti? & taleis voluisti expendere poenas?  
 O pater, ó hominum Divûmq; aeterna potestas,  
 Qvò te per coeli jucundum lumen, & auras,  
 Per, si qvâ est, qvae restat adhuc mihi nunc; pater usquam  
 Intemerata fides: oro miserere laborum
325. Tantorum, miserere animi non digna ferentis.  
 Talia praestabat memorans, genibusq; volutans  
 Haerebat: totò manabat corpore sudor.  
 At non haec nullis hominum, rerumq; repertor  
 Observans oculis, summo sedet altus Olympo,
330. Qui responsa dabit: vel qvae portenderet ira  
 Magna DEI, vel qvae factorum posceret ordo.  
 Isq; his *Heroëm* solatus vocibus inquit:  
 Nate DEO; qvò fata trahunt, retrahuntq; seqvaris:  
 Qvicquid erit, superanda omnis fortuna ferendo est.
335. Dixit, & in coelum paribus se sustulit alis,  
 Ingentemq; fugâ secuit sub nubibus arcum.  
 At furiis *Judae* mens effera, ne qvid inausum  
 Aut intentatum scelerisvè dolivè fuisset,  
 Hoc ipsum ut strueret, dominumq; ut proderet illis,
340. Composito intereà vocat hostes vertice ab altò,  
 Utq; animos aptent armis, pugnaeq; parent se,  
 Imperat & celsò medius stans aggere fatur:  
 Hoc erat, hoc votis, inquit, qui sacpè petivi:  
 Neu quis ob inceptum súbitum mihi segnior ito,
345. Ipsum hodiè causam belli, causamq; malorum,  
 Corruptam manibus, vinclisq; tenebimus arctis:  
 Vos modò nunc animos, nunc vestras promite vireis,  
 Nunc animis opus, ó socii: nunc pectore firmò:  
 Qvò DEUS, & qvò dura vocat *Fortuna*, seqvemur.
350. Dixerat atq; animis pariter certantibus omnes  
 Dant cuneum, densaq; ad montem mole feruntur.

- Pars gladios stringunt manibus : Pars missile ferrum**  
**Corripiunt, coeci q; ruunt :** (furor, ira q; mentem  
**Praecipitant) Pars arma rapit, nodis q; gravatum**  
 355. **Robur, & aërii cursu petit ardua montis.**  
**Tum verò exoritur clamor, ripae q; lacus q;**  
**Responsant circa : & coelum tonat omne tumultu.**  
**Qvos ubi confertos ardere in praelia vidit**  
**Rex, & conspectu in mediò turbatus inermis**  
 360. **Constitit, atq; oculis trucia agmina circumspexit :**  
**Improvisus ait : Coràm, quem quaeritis, adsum.**  
**Me me, adsum, qvì quaeror, adest, quem quaeritis omnes,**  
*Isacidae :* **nihil hì comites potuere, nec ausi**  
**Commaculare manùs : terram, mare, sidera juro.**  
 365. **Sic ait, & bis se venientibus obtulit ultro.**  
**Protinùs ad vocem toties (mirabile dictu)**  
**Pondere percerebuit gens impia & invida vastò.**  
**Fit sonus : ingenti concussa est pondere tellus.**  
**Confurgunt tandem, somno vino q; sepultis**  
 370. **Assimiles, haerent q; oblii, donec *Iudas,***  
**Amplexùs Domino dedit, & ficta oscula fixit.**  
**Haec ubi facta, locum capiunt, signò q; repente**  
**Corripiunt spatia auditò, Dominum q;prehendunt.**  
**At bis sex proceres, hostes infanda furentes**  
 375. **Ut videre : metu versi, retrò q; ruentes**  
**Diffugiunt, silvas q;, & sicubi concava furtim**  
**Saxa, petunt : piger incepti, lucis q;, nec auras**  
**Respiciunt, taedet coeli convexa tueri.**  
**Nec minùs ipse hostis (quanquam tardantibus armis**  
 380. **Intèrdum genua impediunt, cursum q; recusant)**  
**Insequitur, trepidum q; pedem pede fervidus urget**  
**Tum plausu, frèmitu q; virum, studiis q; faventum**  
**Consonat omne nemus strepitu colles q; resultant**  
**Tum *Caisphas* (namq; omnis cum stipata tegebat**

385. Turba ducum) sic incipiens hortatur ovantes :  
 Maxuma res effecta viri : Timor omnis abesto :  
 Qvò superest, haec sunt spolia, & de rege superbò  
 Primitiae, & manibus nostris est praeda petita..  
 Ergò agite, & cuncti laetum celebremus honorem,
390. Atq; ducem instincti verbis adeamus, ut ipse  
 Audiat, & caput hostis acerbi destinet arae.  
 Credo eqvidem, haud anima una dabit discrimina tanta..  
 Sic memorat scelere ante alios immanior omneis,  
 Dùm juvenem hortatur fari, qvò sanguine cretus,
395. Quidvé ferat, memoret : quae sit fiducia capto.  
 Ille haec deposità tandem formidine, fatur.  
 Cuncta eqvidem tibi nunc, (fuerint quaecunq;) fatebor  
 Vera, inquit, ne me dià de stirpe negabo.  
 Est mihi namq; pater, qui res hominumq; Deùmq;
400. Aeternis reget imperiis, ac fulmine terret.  
 Talia fatus erat : coepit cùm talia Vates :  
 Nec tibi *Jova* pater, summi moderator Olympi est,  
 Perfide ; sed duris genuit te cautibus horrens  
*Caucasus, Hyrcanaeq;* admòrunt ubera Tigres,
405. Ut te : sed motas praestat componere turbas.  
 Qvare agite, & primò laeti cum lumine Solis  
 Aulonii Ducis hunc vinctum deducite ad aedes,  
 Ut meritas calidò persolvat sanguine poenas.  
 Dixerat haec : unòq; omnes eadem ore fremebant.
410. Et jam prima novò spargebat lumine terras  
*Titboni* croceum linquens aurora cubile..  
 Haud mora : festinant jussi, rapidisq; feruntur  
 Passibus, atq; manus juvenem post terga revinctum  
 (Infandum) magnò ad regem clamore trahebant
415. *Romulidum*. Sedet in mediis, & maxumus aevo,  
 Et primus sceptris, haud laetà fronte *Pilatus*,

- Atq; hic legatos *Solymanum* ex urbe remissos,  
 Quae referant, fari jubet, & responsare poscit  
 Ordine cuncta sub, tunc facta silentia lingvis,  
 420. Primus & ante omneis Parens ita farier inquit:  
 Maxime *Romulidum* ductor, quò sospite nunquam  
 Res equidem *Solymae* victas aut regna fatebor,  
 Consilio hanc omnes, animisq; volentibus, arcem  
 Afferimur: jam, quae dubiae sententia menti,  
 425. Unum pro multis dabitur caput. Haec ita fati,  
 Conticuere omnes, intentiq; ora tenebant.  
 At Rex sollicitus, quanquam lenire dolentem  
 Solando cupit, & dictis avertere curas,  
 Multa gemens, magnòq; animum labefactus amore,  
 430. Jussa tamen Procerum exequitur, virgisq; salignis  
 Divinum caedi mandat (miserabile) corpus.  
 Hanc in conspectu populi, pro Numine laesò,  
 Effigiem statuere, nefas quae triste piaret,  
 (Ausi omnes immane nefas) genua aegra trahentem  
 435. Jactantemq; utroque caput, crassumq; cruorem  
 Ore rejectantem, mistosq; in sanguine dentes,  
 Nec dum etiam causae irarum, & monumenta doloris  
 Exciderant animo, poenas cum sanguine poscunt.  
 At non haec nullis hominum fator atq; Deorum,  
 440. Observans oculis, sceleratas sumere poenas.  
 Namq; im proviso vibratus ab aethere fulgor  
 Cum sonitu venit, gelidusqve per ima cucurrit  
 Ossa tremor: totò sonuerunt aethere nimbi.  
 Hinc exaudiri voces, & verba vocantis  
 445. Visi viri, nox cum terras obscura teneret:  
 Parce pias scelerare manus, Dux inclyte gentis,  
 Et rabiem populi tantam compece furentis.  
 Talibus attonitus visis, ac voce *Deorum*,



- 17
- Ultrò animos tollit dictis, turbamq; sonantem,  
450. Pontius increpitat, CHRISTUM dimittere certus  
Extremplò turbati animi, concussaq; vulgi.  
Pectora & arrectae stimulis haud mollibus irae,  
Dedeneci, clamant. Nam qui se dixerit esse  
Regem, hunc jura sinunt mulctari funere acerbò.  
455. Ni facias, curae non est *Romana* tibi res,  
*Caesaris* & nomen, magno clamore fremebant.  
Ergò ubi nulla datur coecum exuperare potestas  
Consilium, neq; dux illis superantibus obstat  
Amplius, & sese victusq; nolensq; remittit.  
460. Non tamen abstinuit, nec voci iraeq; pepercit.  
At tibi pro scelere, exclamat, pro talibus ausis  
Dii, si quà est coelo Pietas, quae talia curet,  
Persolvant grates condignas, praemiaq; ò gens  
Infelix, cui te exitio fortuna reservat?  
465. Haec ubi facta, cavis undam de flumine palmis  
Sustulit, ac taleis effudit ad aethera voces:  
Ut nunc his manibus maculae absunt: sic mihi CHRISTI  
Nullum in caede nefas fuerit. Nec plura locutus  
Corripuit sese, & tectis citus extulit altis.  
470. Illi autem: DEUS haec generi, nobisq; reservet:  
Nullae hic insidiae tales: absiste morari.  
Atq; ea diversà penitus dùm parte geruntur,  
Vestibulum ante ipsum magnò clamore moratur,  
Effera servatur manus, illudiq; silenti:  
475. Pro crinali auro, pro longae tegmine pallae,  
Confertum tegmen spinis stat vertice CHRISTI,  
Pro sceptrò & datur insigni fluvialis arundo.  
Quin etiam pars ejus obumbrat lumina vellens  
Squalente in barbam & foedare in pulvere crines,  
480. Nec mora, nec requies: summà nituntur opum vi

- Pro se quisq; viri, pedibus per mutua nexis,  
(Tormenti genus) & sanie tabòq, fluentem,  
Distentum ligno, longà sic morte necare,  
Ergò iussa parant omnes, aramq; sepulcri
485. Congerere arboribus, coeloq; educere certant.  
Itur in antiquam silvam, stabula alta ferarum:  
Procumbunt piceae, ferro sonat alta bipenni  
Fraxinus, evertunt aëtas ad sidera pinus,  
Altaq; mox firmis fabricatur roboribus crux,
490. Quæ charam sobolem, summi Patris oblectamen,  
Portet, ut in malò mala perferat infinita.  
Jamque manûs teneras tenerum post terga revinctum.  
Regem, ad supplicium, lacerum crudeliter ora,  
Ora, manusq; ambas, magnò clamore trahebant.
495. Ille autem fufus propexam in pectore barbam,  
Qvam fidam qvercum, cuneis & fissile robur  
Gestabat tristis, nec eum labor iste gravabat.  
Armati circumstant, pilataq; plenis  
Agmina se fundunt portis: pars spicula gestant
500. Ensemq; clypeumq;, & rubrae cornua cristæ,  
Aereaq; assensu conspirant cornua raucò,  
Pars pedes ire parat campis, aut corpora saltu  
Subjiciunt in eqvos: It clamor & agmine factò  
Quadrupedante putrem sonitu quatit ungula campum.
505. Unà omnes lacrymas, matres, pueriq;, senesq;  
Fundebant, moestam implentes mugitibus urbem.  
At non tardatus casu, nec territus Heros  
Demisit lacrymas, dulciq; affatus amore est:  
Ne quaeso, ne me lacrymis, nèvè omine tantò
510. Flete pie matres; potiùs deflete propinquum.  
Exitium: hanc vocem extremam cum sanguine fundo.  
Haec ubi dicta dedit, portis sese extulit altis



- Chara Dei soboles, lethum ut crudele subiret,  
Sangvineam torquens aciem, maculisq; trementes
515. Interfusa genas & pallida morte futurâ.  
Postquam illuc ventum est, frustra fortissimus Heros  
Ardentis oculorum orbes ad moenia torfit,  
(Multa movens animo) unde omneis longò ordine possit  
Adversos legere, & venientum discere vultus.
520. At nullum videt aequalem, videt agmina dirum.  
Multa virum, campi; armis sublimibus ardent.  
Tum verò ingeminat clamor, cunctiq; repentè  
Corripuere sacram effigiem, manibusq; cruentis  
Ingentem quercum, decisis undiq; ramis,
525. Constituunt, spirisq; ligant ingentibus illum.  
Practerea geminos etiam geminâ arbore fixos  
Adjiciunt socios: ingens concursus ad ipsa  
Corpora, seminecesq; viros, tepidumq; recenti  
Caede locum, & plenos spumantisangvine rivos.
530. Ipse Heros autem in mediò pendeat inermis,  
Ad coelum tendens ardentia lumina frustra,  
Lumina: nam teneras arcebant vincula palmas,  
Convertere animos acreis, oculosq; tulere  
Cuncti ad eum Proceres: ille autem cuncta ferebat,
535. (Dum stupet, obtutuq; haeret defixus in uno)  
Intentos volvens oculos, cui plurimus ignem.  
Subjecit rubor, & calefacta per ora cucurrit:  
Quale manus addunt ebori decus, aut ubi flavo  
Argentum, Pariusvé lapis circumdatur auro:
540. Taleis egregiò juvenis dabat ore colores.  
Interea pavidum volitans pennata per urbem,  
Nuncia fama ruit, matrisq; adlabitur aureis.  
Evolat infelix, & durò mota tumultu,  
Lamentis, gemituq; & foemineò ululatu,

545. Flavescentesq; abscessa comas, mox agmina cursu.  
 Prima petis, nam sollicitam timor anxius urget.  
 Utq; procul juvenum mediò in clamore furentum.  
 Constatit, atq; sui corpus miserabile nati  
 Prospexit tristis, lacrymis ita fatur obortis:  
 550. Tène, inquit, miserande puer, cum laeta veniret,  
 Invidit fortuna mihi, ne regna videres  
 Nostra, neq; ad sedes victor veherère paternas?  
 Crudelis, nec te sub tanta pericula missum  
 Affari extremum miserae data copia matri?  
 555. O mea Progenies, quae causa indigna serenos  
 Foedavit vultus? aut cur haec vulnera cerno?  
 Sacra capitis populataq; tempora, jamné hoc,  
*Nate*, refers, tantis nequicquam erepte periclis?  
 Heu quid agam misera? aut quae jam satis imà dehiscat  
 560. Terra mihi? Vos ó potius miserescite venti!  
 Vel tu, quod super est, infestò fulmine morti  
 Demitte, ó Pater alme, tuâq; heic obrue dextrâ.  
 Tantos illa suò rumpebat pectore quaestus:  
 Quam, simul ac vidit vultum morientis, & ora,  
 565. *Cara Dei Soboles* dictis solatur amicis:  
 Quid tantum infano juvat indulgere dolori  
 Chara mihi ante alias: non haec sine numine Patris  
 Eveniunt, coelum & terras qui numine torquet.  
 Per varios casus, per tot discrimina rerum.  
 570. Tendimus in coelum, sedes ubi fata quietas  
 Ostendunt, omnis curae casusq; levamen.  
 Sic ait. Indè *Joannem* (admotum hunc namq; Parenti  
 Viderat) alloquitur, dictisq; ita fatur amicis:  
 Haec tibi erit genitrix, spes & solatia nostri:  
 575. At tu, oro, solare inopem, & succurre relictæ.  
 Vix ea, cum lacrymans percussâ mente dederunt

- 21
- Aeneadae : mistus dolor & stupor urget inerteis.  
Nil ominis tamen has jactant ad sidera voces :  
Verte omneis tete in facies, & contrahe, quicquid  
580. Sine animis, sine arte vales : dabis improbe poenas,  
Obscoeniq; canes, importunaeq; volucres  
Diripient faciem invisam atq; immania membra.  
Nec minus inter se adversis decernere dictis  
Auditi, poenas qui juxta ob furta luebant.  
585. Alter enim furiis incensus, ne quid inausum,  
Aut intentatum scelerisve, dolive fuisset.  
Ipse etiam verbis morientem Heroë superbis  
Stringebat miser, ac taleis dabat ore loquelas :  
Vade age & ingratas affer te irrisu periclis,  
590. *CARA DEI soboles, & religiosa Deorum*  
Limina diripito, & post tres alia erige lucas.  
Quid moriture ruis, majoraq; viribus audes?  
Fallit te incautum Pietas tua : lubricus artes  
Ne quicquam patrias tentasti : en aspicias urbem.  
595. Immunem tanti belli, atq; impune quietam!  
Taliam jactantem dictis, & dira frementem  
Non tulit ulterius, dextram qui in parte propinquus,  
Jam morti pendeat, & haec extrema profatus :  
Infelix, quae tanta animum dementia coepit?  
600. Desine jam tandem : nunc te fata impia tangunt,  
Causa mali tanti sceleris vestigia nostri,  
Impressumq; nefas & inextricabilis error :  
Hunc autem tantum benefacta & facta stupenda  
His mersere malis : terram, mare, sidera juro :  
605. Illum obtestemur, veniamq; oremus ab ipso.  
Haec ait : hinc *Divum* conversus lumina in ipsam  
Talibus orabat dictis : Sate sanguine *Divum*,  
Ad Te confugio, & supplex tua Numina posco,

- Adfis ð, placidusq; juves : miserere laborum .  
 510. Tantorum, miserere. Potes namq; omnia, nec te  
 Neq; vicq; sacra longævum in sede locavit  
 Omnipotens genitor, Coeloq; Ereboq; potentem.  
 Talibus orantem Rex omnipotentis Olympi  
 Audiit, & paucis responsum ita reddidit *Heros* :  
 615. Parce metu juvenis : superum jam signat honore  
 Te Pater ipse suò, rerum cui summa potestas,  
 Qvi vitam dedit aetheriam, sedesq; beatas.  
 Eia age rumpe moras, animo gratissime nostro :  
 Ingredere, & celebres cape, qvos spondemus, honores.  
 620. Vix haec ediderat, cùm creber anhelitus artus,  
 Aridaq; ora qvatit prorsus corpore sudor  
 Frigidus, & longis singultibus ilia pulsat  
 Heic laticis (qvanq; in mediâ jam morte tenetur)  
 Munera, particulam, sitiens, suprema poposcit.  
 625. Haud minùs, ac jussi faciunt, atròq; venenò  
 Felleq; permiscet corrupti pocula Bacchi,  
 Illaq; arundineò sumenda canale propinat :  
 Qvae simul ac Heros accepit fellea pòcla,  
 Primaq; libato summò tenùs attigit ore,  
 630. Respuit, atq; diu labris infedit amaror.  
 Dein tunicam, molli mater qvam neverat aurò,  
 Pars rapit, atq; humeris neq; vicq; fortibus extat,  
 Ne quid inexpertum scelerisvè, dolivè fuisset.  
 Intereà magnò misceri murmure coelum.  
 635. Incipit, & rebus nox abstulit atra colorem,  
 Impiaq; aerernam timuerunt secula noctem.  
 Terra tremit, fugère ferac, & mortalia corda  
 Per gentes humilis stravit pavor imbribus atra.  
 Tempestas sine more furit, tonitruq; tremiscunt  
 640. Ardua terrarum, & crebris micat ignibus aether,

Praesentemq; viris intentant omnia mortem.  
 Tum verò attonitu, monitu, imperiòq; *Deorum,*

Extemplò delubra adeunt, pacemq; per aras  
 Exquirunt matres, & templum thure vapòrant

645. Suppliciter tristes & tonsae pectora palniis.  
 Ecce autem majus miseris, multoq; tremendum,  
 Objicitur magis: Et tremere omnia visa repente.  
 Liminaq; & templi, mirò quod hōnōre colebant,  
 Velum, & disruptis templum mugire columnis.

650. Jamq; *Deus* rumpens cum voce novissima verba,  
 Ingenti, horrendumq; sonans, Pater optume, dixit  
 Eripe me his invicte malis: haec omnia firma:  
 Vixi, & quem dederat cursum fortuna, peregi.  
 Haec ubi dicta dedit, placidum caput inclinavit,

655. Protinùs atq; oculis nutantibus expiravit.  
 Salve vera *DEI Proles*, decus addita coelo.  
 Te *Stygj* tremuere lacus: Te janitor orci,  
*Cerberus*, adversò recubans immanis in antrò,  
 Et specus horrendum & saevi spiracula *Ditis*:

660. Nec Te ullae facies non terrent, ipsa Chimaera,  
 Horrendum stridens, variarum aut monstra ferarum,  
 Adsis ò tandem, & si nondum exosus ad unam  
 Mortaleis: si quid Pietas antiqua labores  
 Respicit, humanos dubiis ne defice rebus:

665. Poenarum exhaustum satis est: miserere laborum  
 Parce pio generi, & propiùs res aspice nostras,  
 Nec non conserva pia Christicolum agmina: sic tu  
 Semper honore meò, semper celebrabere donis,  
 Dùm memor ipse mei, dùm spiritus hos reget artùs.



Lector Benevolus ac Candidus

*Vitia Typographica, eaq; potiora modò, haud gravatim  
hòc modò emendabit, ut*

- v. 3. pro littore, ponat littora,  
v. 94. voci Oliviferi addat Conj. copulativam qve,  
v. 99. pro orbi, legat urbi,  
v. 103. vocabulo tanton' (pro tantò ne) adimat Comma,  
v. 108. pro dat, scribat det,  
v. 140. pro labentia, pingat labantia,  
v. 151. locò vocis haeret, adhaeret substituat,  
v. 166. pro &, ponat est,  
v. 179. pro simulacra, legat simu, ora,  
v. 181. pro lacrymas, scribat lacrymis,  
v. 186. pro nunqve, nunquam pingat,  
v. 208. vice vocum incautum fini, incautum sivi substituat,  
v. 247. 294. & 450. puncta addat,  
v. 319. pro hunc, legat huncce,  
v. 398. pro ne, addat nec.











NU

